



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sōkratus Scholastiku Kai Ermeiu Sozomenu Ekklēsiastikē Istoria

Socrates <Scholasticus>

Mogvntiae, 1677

Addenda In Annotationibus.

urn:nbn:de:hbz:466:1-14233

ADDENDA IN ANNOTATIONIBUS.

Pagina 23. col. 2. lin. 13. Post vocem *συμπα-
θεῖν*. Hæc adde. adverbium *ἰδιωματικῶς* legi-
tur apud Basilium Magnum in epistola 308.

Pag. 24. lin. 56. post vocem *pestes*. Hæc adde.
Augustinus in lib. de hæresibus cap. 41. Sabellia-
nos scribit crebrius Patripassianos vocari. Ita
etiam eos vocat Philastrius in lib. de hæresibus.
Corruptum est hoc nomen in Commentariis
epist. primæ ad Timotheum qui vulgo tribuuntur
Ambrosio. Sic enim ibi scribitur *quannunc Mar-
cionistis, quamvis pane defecerint & Patricianis
ac maxime in Manichæis denotatur scribo Pa-
tripassianis.*

Pag. 32. lin. 48. post vocem *generatio*. Hæc ad-
de. ego vero pro voce *ἀγέννητος*, scribere mal-
lem *ἀγέννητος* id est increta generatio.

Pag. 42. col. 2. lin. 35. post vocem *ἐπαρχία*. Ita
scribe. hic Præfectus Ægypti vocabatur Ecdicius,
ut docet Julianus in epist. 6. Successerat autem
Hermogeni Præfecto Ægypti, ad quem extat Ju-
liani epistola 23.

Pag. 44. col. 2. lin. 37. Post vocem *Suidas*. Hæc
adde. Hic est ni fallor Reginus, cui Phrynichus
Sophista unum ex libris quos de oratorio appa-
ratu scripserat, nuncupavit, ut scribit Photius in
Bibliotheca cap. 158. Certe Phrynichus non nisi
viris doctis libros suos nuncupaverat, quemad-
modum ibidem testatur Photius.

Pag. 64. col. 2. lin. antepenult. Post vocem
Photii. Hæc adde. cap. 279. Verum hic, cuius me-
minit Photius, alius est ab illo quem hoc loco no-
minat Socrates. Prior enim ille patriam habuit
Antinoem, urbem Thebaidis, vixitque temporibus
Licinii & Maximiani, ut testis est Photius.
Helladius autem noster Alexandrinus fuisse vide-
tur, vixitque principatu Theodosii Aug. Fuit
etiam alter Helladius, qui Lexicon conscripsit te-
ste Photio in Bibliotheca cap. 145.

Pag. 66. lin. 47. post vocem *Ecclesiæ*. Hæc ad-
de. Ita Socrates noster in lib. 1. pag. 47. *τὰς παρ-
θεῖους τὰς ἀναγεγραμμένας ἐν τῷ τῶν ἐκκλησιῶν
κατὼν* nec aliter sumitur ea vox in canone 16. &
17. Concilii Nicæni.

Pag. 71. col. 2. lin. 53. post vocem *Metropoli-
tanos*. Hæc adde. Quare Notarii isti scrinium
servabant, ut docet Gregorius Magnus in lib. 1.
dialogorum cap. 8. *Anastasius sanctæ Romanæ
Ecclesiæ cui Deo authore deservio, Notarius fuit.
Qui soli Deo vacare desiderans, scrinium deservit,
monasterium elegit &c.*

Pag. 83. lin. 29. post vocem *ἡττον ἢ*. Hæc ad-
de. De Troili Sophistæ sapientia testis est Syne-
sius in epist. 47. ad Theotimum, ubi illum admi-
rabilem & Philosophum appellat. Sed & in epist.
26. eundem vocat optimum Philosophorum. Sic

etiam in epist. 73. & 109. Itaque pro voce *φίλας*,
hoc loco scribi posset *φιλοσοφίας*, de eodem Troi-
lo intelligendus est Synesii locus in epist. 79. ad
Anastasium, qui sic habet *τῷ σοφιστῇ φασί, μὴ
παρὲν &c.* De Anthemio loquitur Præfecto
Præt. cui ægrotanti Constantinop. solum adde-
disse ait Sophistam Troilum, scilicet.

Pag. 130. col. 2. lin. 37. post vocem *καταστάς*.
Hæc adde. Utitur eadem voce Strabo in lib. 17.
de Canopo loquens *ἐχυσεν τὴν καταστάσιν ἐπὶ
τοῦ ἀγρίου τῶν ἀνθρώπων, καὶ διραπείας ἐν φέρον,
ὥστε καὶ τὰς ἰδιωματικὰς ἀνδρας πεινῶν καὶ
ἐγκοιμῶν αὐτὸς ἐπὶ ταῦτ' ἡτέραν*. Ubi pro
verba *πείνουν*, quod nullum habet sensum, scri-
bendum puto *ἀγρίων*, quod est in castu esse.
Utitur etiam hac voce Plutarchus in libro 8.
Symp. cap. 8.

Pag. 133. lin. ult. post vocem *ἐπιπράδων*. Hæc
adde. Porro hunc Marcum Arethesium diver-
sum esse existimo à Marco illo Arethufio, quicum
Arianis semper conjunctus fuerat jam inde à
temporibus Constantini. Hic enim mortuus est
ante Concilium Serdicense, ut didici ex epistola
Synodica Orientalium apud Serdicam Episcopopo-
rum, ubi de Hosio ita scribunt. *Sed & Hosius
propter supradictam causam, & propter beatissimam
memoria Marcum, cui graves semper injurias in-
rogavit, &c.* quæ verba non nisi de Marco Are-
thufio intelligi possunt, quem illi utpote mor-
tuum, beatissimæ memoriæ appellant. Huic igi-
tur Marco alter Marcus successit, ipse quoque
Semarianus, qui eidem Pseudoserdicensi Syno-
do subscripsit, ac postea Juliani temporibus glo-
riola confessione inclauit.

Pag. 135. lin. 49. post vocem *Historiæ*. Hæc
adde. Et Photius in Bibliotheca cap. 14.

Pag. 158. lin. 17. post vocem *Epiri*. Hæc adde.
Et in Concilio Chalcedonenſi actione prima
Marcus recensetur Episcopus Eurææ, qui inter-
fuit Synodo Ephesinæ secundæ, quam Græci la-
trocinalem vocant.

Pag. 162. col. 2. lin. 50. post vocem *promove-
rat*. Hæc adde. Id certe testantur acta Synodi ad
Quercum. In quibus decimum octavum caput
accusationis adversus Chrysoſtomum hoc est,
quod Serapionem in reatu existentem, Presby-
terum ordinasset.

Pag. 169. col. 2. lin. 37. post vocem *quarto*.
Hæc adde. Synesius in epist. 73. ad Troilum,
διατάγματα vocat edicta Imperialia. Ubi inter
leges & Imp. constitutiones hoc discrimen ob-
servat, quod legibus quidem auctoritas ex vetu-
state conciliari solet: constitutionibus vero ex
novitate, quippe quæ Imp. ipsum adhuc vivens
tem præferunt.